



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CXIII. Aliud ejusdem Bosonis praeceptum pro monasterio Cariloci.

urn:nbn:de:hbz:466:1-22974

blicos exactores inquisitio fiat. Illud quoque omnimodis interdiximus, ut in domibus & in cellulis ejusdem cenobii ex hoc nunc & in posterum nullus mansionaticum, teloneaticum, ripaticum, aut aliquas publicas functiones exquirere audeat; nullamque in commenditis eorum liberis ac servis, massariis, libellariis, aldionibus contra legem violentiam inferat, aut eos potestativè distringere aut pignorare præsumat. Quod qui fecerit, subiectam * immunitatis nostræ penam componere cogatur. Quia verò supra taxatum monasterium cum sit aliis substantia in fame, & tamen hospitium & peregrinorum susceptioni paratissimum, ob hoc ad majorem nostræ mercedis emolumentum conferimus atque donamus ad Dei servorum inibi degentium supplementum partem terræ de gualdo nostro quod Susmate dicitur, & pertinet de curte regia Salluciola, & est per mensuram legitimam ad juges centum quinquaginta de terra permixta, habens fines ab ortu solis ipsum gualdum Susmate, & massarius prædictæ curtis Salutiolla à meridie & occidentem vallem Guidam & Lenatum percurrentem ab Alapallone locum & gualdum Susmate. Ipsam terram per infra . . . præfato sanctuario mancipamus atque largimur in perpetuum possidendam, omni publica repetitione sopita. Si quis autem contra hæc nostræ firmitatis atque liberalitatis statuta agere ausus fuerit, triginta libras auri probati componat, medietatem cameræ nostræ, & medietatem sacro loco cujus munimentum infringere ausus fuit. Et ut hæc nostra promulgatio sine largitio perenni stabilietur robore, manus nostræ monogrammate subter illam adnotamus, & ex anulo nostro insigniri iussimus.

Signum Domni Karlmanni serenissimi Regis. Baldo Cancellarius ad vicem Thiotmari Archicancellarii recognovi.

Datum v. i. i. Kal. Maij anno Christo propitio . . . Domni Karlmanni invictissimi Regis in Bavaria, * . . . In Italia, Indictione x. i. i.

* Leg. 1111.

Actum ad Canigult curte regia in Dei nomine feliciter. Amen.

C X I I.

Bofonis Regis Provinciae præceptum pro Ecclesia Augustodanensi.

An. 879. Ex chartulario Ecclesie Augustodanensis. **I**N nomine sanctæ & individue Trinitatis. Boso gratia Dei Rex. Si piis fervorum Dei petitionibus operi ferendo consulimus, Deum nobis ob id præfenti & futuro seculo propitiari nullatenus dubitamus. Quapropter notum sit omnium sanctæ Dei Ecclesie fidelium nostrorumque unitati quoniam Adalgarius venerabilis Eduorum Episcopus ad nostræ sublimitatis accedens mansuetudinem deprecatus est ut auctoritates & præcepta Regum videlicet prædecessorum nostrorum ob majoris firmitatis vigorem scripto nostræ auctoritatis confirmaremus & secundum quod motis est roboraremus. Nos autem ejus petitionibus tanto licentius cessimus quanto nobis id profuturum perspeximus amplius. Statuimus ergo confirmantes & confirmando decernimus ut Tom. II.

omnia præcepta quæ jamdictæ Ecclesie ab antecessoribus nostris Regibus videlicet & Imperatoribus facta sunt, omnibus temporibus maneant inconcussa, & tam ex abbacia Flaviniaco quam & ex villa Beliniaco, necnon & ex villa Lucenaco, seu & ex villa Tiliniaco, quam etiam ex aliis rebus omnibus ejusdem Ecclesie præcepta & auctoritates nostra ditione roborentur, maneat inconcussa. Montem quoque qui vocatur Semurus, cum Ecclesia quæ supra est & duobus molendinis, jamdictæ Ecclesie subque Præfati Adalgario æternaliter delegamus & delegantes concedimus & de nostro jure in jus & dominationem sancti Nazarij regio more transferimus. Ut autem hujus nostræ auctoritatis confirmatio majorem obtineat vigorem, manibus propriis subter firmantes, anuli nostri impressione subter justissimum sigillari.

Signum Bofonis gloriosissimi Regis.

Elbertus Cancellarius ad vicem Aureliani Archiepiscopi recognovit.

Datum v. i. Idus Novembris Indictione x. i. i. anno i. regni Domni Bofonis gloriosissimi Regis.

Actum Lugduno civitate in Dei nomine feliciter. Amen.

C X I I I.

Aliud ejusdem Bofonis præceptum pro monasterio Cariloci.

An. 879. Ex authentico, quod exstat Lugduni. **I**N nomine sanctæ & individue Trinitatis. Boso misericordia Dei Rex. Quantum in divinis cultibus Deoque famulantium necessitatibus auxilium libentius porrigimus, tanto id nobis ad mortalem vitam temporaliter deducendam & ad futuram feliciter obtinendam commodum provenire confidimus. Igitur notum esse volumus cunctis fidelibus sanctæ Dei Ecclesie nostris que presentibus scilicet ac futuris quoniam adit serenitatem nostram Siuvaldus Comes & fidelis noster suppliciter flagitans quatenus monachis ex monasterio Kariloci, quod est dictum in honore sancti Stephani in comitatu Mariscensi super Sonam fluvium, in aliquo concederemus. Cujus petitioni, utpote rationabili, annuentes, per hos nostræ celsitudinis apices concedimus ad ipsum monasterium monachisque ibidem Deo militantibus abbatiam in honore sancti Martini, cum omnibus Ecclesiis ad se pertinentibus, cum terris, pratis, pascuis, silvis, aquis, aquarumve decursibus, cum exitibus & regressibus & omnibus adjacentiis suis. Hæc omnia superius nominata cum omnibus integritatibus pro mercede Domni Karoli Imperatoris & anime nostræ remedio ac conjugis nostræ ipsi loco & suis ab hodierno & in posterum perpetualiter concedimus possidendam. Et ut hæc nostræ confirmationis auctoritas Domino protegente nostris futurisque temporibus inconcussa permaneat, manu propria subter firmavimus, & anuli nostri impressione insigniri iussimus.

Signum Bofonis serenissimi Regis.

Stephanus Notarius ad vicem Adalgarij recognovit.

CCccc

Datum 1 v. Nonas Decembris Indictione x 11.
anno primo regni Domini Bosonis.

Actum Kariloco monasterio in Dei nomine feliciter.

C X I V.

*Eiusdem preceptum de abbacia sancti
Andree Viennensis.*

An. 881.
Ex charta-
lario Eccle-
siae Vien-
nensis.

IN nomine sanctæ & individue Trinitatis. Boso misericordia Dei Rex. Si petitionibus fervorum Dei, quibus pro commisso sibi officio suggesterint, aures clementiæ nostræ libenter inflectimus, Regum prædecessorum nostrorum morem imitari cognoscimur, & ob id nobis Deum propitiari nullatenus diffidimus. Quocirca noverit omnium sanctæ Dei Ecclesiæ fidelium nostrorumque tam præsentium quamque futurorum solertia quia adit clementiam nostram Ottrannus venerabilis Viennensis Ecclesiæ Archiepiscopus & humiliter intimavit qualiter abbacia sancti Andree inferior in prædicta civitate sita olim ab Ecclesia sua injustè subtrahata fuerat, & auctoritatem plenam ostendit quomodo & a fidele quodam pro remedio animæ iuxta data fuisset, & à Regibus per præcepta corroborata. Nos verò justam & rationabilem petitionem illius auditam, invenimus consilio procerum nostrorum quatinus pro remedio gloriosissimam memoriam Karoli Imperatoris ac sociatæ conjugis ejus æquè bonæ memoriæ Hirmintrudis atque prole eorum Ludovici piissimi Regis, necnon & pro nostro & caræ conjugis nostræ Hirmingardis, quod irrationabiliter ablatum * servet cum omnibus appendiciis & immutationibus redderemus, insistentes ut omnimodis ibi officium divinum inculpabiliter jugiter peragatur, luminaria præbeantur, Canonicis servientibus tam ibi quam & in Ecclesia matri sancti Mauricij victus & alimonia à rectore præscriptæ Ecclesiæ congruenter administrètur, ut & illis supplementum fiat, & nobis ad vitam æternam capessendam adiutorium existat. Hoc omnibus modis auctoritate regia præcipientes jubemus atque jubentes decernimus ut nullus iudex publicus nec quislibet ex judiciaria potestate aut ullus ex fidelibus sanctæ Dei Ecclesiæ in Ecclesiis, loca, velagros, seu reliquas possessiones prædictæ casæ Dei in quibuslibet curis & territoriis, quas moderno tempore justè & rationabiliter possidere videtur, quæque etiam deinceps aut per nos aut per quorumlibet fidelium devotione divina pietas augeri voluerit, aut freda exquirat, aut francos aut servos distringere audeat, neque ad judicia publica venire compellat, sed * sine subtritione &

* seu &

* sint

immunitate atque defensione nostra. Super hæc omnia, quicquid per negligentiam rectorum à pravis hominibus ablatum atque direptum est, totum & ad integrum reddimus; & quicquid inde fiscus noster acquirere poterat, omnia in omnibus ad usus Clericorum sanctæ Mariæ & sancti Mauricij & pauperum concedimus. Ut autem hæc nostræ collationis seu restitutionis auctoritas nostris futurisque temporibus Domino protegente inconvulsa permaneat, manu propria subter fir-

mavimus & anuli nostri impressione insigniri iussimus.

Signum Bosonis serenissimi Regis.
Domnus Rex fieri iussit. Stephanus Cancellarius.

Datum x v. Kal. Februarij Indictione x 1 v.
anno secundo regni Domni Bosonis.

Actum Tauriaco villa in Dei nomine feliciter.

C X V.

*Karlomanni Francorum Regis preceptum
pro Ecclesia Aurelianensi.*

IN nomine sanctæ & individue Trinitatis. An. 881. Ex charta-
lario Eccle-
siae Au-
relianensi.
Karolomannus misericordia Dei Rex. Quæcunque regis dignitatis culmine effertur desiderat mens, cum præ oculis semper habere debet cuius gratia præfertur. Igitur noverit omnium sanctæ Dei Ecclesiæ fidelium nostrorumque tam præsentium quam futurorum solertia quia nos ubique res ecclesiasticas plusquam omnes vitæ nostræ actus evehere atque augmentari gaudemus. Quapropter placuit celsitudini nostræ cuidam sanctæ matri Ecclesiæ Aurelianorum, quæ est in honore sanctæ ac vivificæ crucis, cui etiam auctore Deo præesse dinoscitur Gualterius venerabilis Præsul, ad ipsius quoque deprecationem, restituendo reddere & reddendo restituere quandam villam in integro, nomine Caltesium, sitam in pago Biturico, sive etiam Pauliacum in eodem pago continentem, sive & Germiniacum, necnon etiam alteram villam quæ vocatur Marfiacum in pago Nivernensi, ad eundem Caltesium pertinentem, cum omnibus ad se pertinentibus vel aspicientibus longè vel propè positis, & familia utriusque sexus, quæ villæ olim distrahæ esse noscuntur ab eadem Ecclesia per incuriam & malinorum hominum violentiam. Ob restitutionem tamen, quia Deo inspirante nostris erant temporibus redintegranda, nonarum decimarumque vestituram absque ullius detractioe aut inquietudine præfata sancta mater Ecclesia semper obtineat. Vnde hoc celsitudinis nostræ præceptum fieri, atque ob emolumentum mercedis animæ nostræ ad æternorum remunerationem præriorum, pro remedio quoque Domni & genitoris nostri Ludovici & sanctæ recordationis avi nostri Karoli Imperatoris, jamdicto venerabili Episcopo atque præfate sanctæ matri Ecclesiæ reddi iussimus; per quod memoratas villas cum omnibus sibi pertinentibus rebus integerrimè prænotatæ sanctæ matri Ecclesiæ perenniter mancandas delegando reddimus ac reddendo delegamus, eo videlicet modo ut idem venerabilis Præsul fratribus sibi commissæ Ecclesiæ, videlicet sanctæ crucis, easdem villas in sui victus stipendium propria & libentissima voluntate, ipso hoc nostram celsitudinem deprecante, præsentibus futurisque temporibus absque ullius inquietudine delegare studeat. Præcipientes quoque decernimus & indissolubiler sancimus ut nemo successorum nostrorum alicujus argumenti machinatione illectus præfatas res, quas modò liberalitatis nostræ munificentia præfate Ecclesiæ & memorato Præsuli suæque Ecclesiæ Canonicis